

古



831172

雲臥山莊詩集卷第七

湘陰

郭崑壽

樗安

示藩護兩兒

時兩兒俱落解

科第進身始多士，浩羣趨行行就眾步。亦不妨通儒要，其榮與辱所爭止。須臾丈夫志遠大，不貴守方隅。豁達萬古胸，藐小七尺軀。偉然列三才，理在名非誣。充此盡性功，參贊位育俱。願戀旦夕榮，爲計何區區。譬我營我室，拓基立規模。梁棟與構榱，一一預爲儲。量材審面夙，適用斤斧須。旣殫樸斲勤，未廢丹雘塗。但取居之安，匪雲臥山莊詩集卷七

卷七

一 帖瞻堂刊

供觀者娛外，內異輕重勉矣。慎良圖。

士生重名位，謂以榮其親。吾聞昔人言，名者實之賓。虛名苟無實，詭遇羞凡民。得之況有命，胡爲著貪瞋。憶我少年時，蠖屈亦求伸。頗賴友朋益，稍窺性道真。浮雲自來去，止水激心神。時運誰能測，天池躍潛鱗。縈情未盡獲，澹慮甯終淪。得失本適然，坦途故當循。成名信云樂，未若樂天倫。汝曹識所擇，吾甘菽水貧。

九日有感

去年重九天心閣，賭韻傳觴盛一時。歲月奔騰蛇赴壑，

友朋分散鳥棲枝空山風雨仍佳節往事雲煙繞夢思
強欲登高更懷舊麋峯終是負前期粹湖翁約於黑麋
峯上作重九未料
其竟不
及待也

奉簡彭雪琴宮保卽次其九日雨中坐愛晚亭見
懷原韻

濟世諒無諧世術辭官卻及服官年舊時肝膽論交地
湖口清風爲灑然

東山強起復東游回首長江戰伐秋未放豪情隨水逝
更餘幽興看濤頭

雲臥山莊詩集

卷七

二

帖瞻堂刊

襄鄂凌煙合寫眞長源南嶽且閒人遙知風雪吟香館
紙帳梅花著此身

嗟我空鑽故紙堆閉門懷抱向誰開眼明天半珠璣落
心逐衡陽鴻鴈來

題芋園清讌圖

蔥蔥嘉樹林湛湛清池水
峩峩高館闢曲曲回廊倚
翩英俊才佼佼塵俗裏
欣欣文字飲歷歷圖貌似
良辰足可惜韻事故可喜
自我游芋園到今逾二紀
歲時接觴宴風物列窗几
夙念驥子賢謂李幼梅公子
近繼鳳毛美開

尊羣彥會雅集西園擬符君

子琴

實時傑何詩蓀章伯

和亦國士各有四方志暫此聚鄉里跌宕想風流賡酬
和宮徵嗟予百端廢如跛空思履對茲三歎息心折氣
欲靡歡場放浪多世運幹旋俟同心欲共濟會看聯翩
起吾材分樗散高歌望諸子

冬日雨後山行

溼雲收雨入山深凍雀爭枝送響沈泉帶餘聲歸斷壑
風將殘葉下空林滌場稍見園蔬發拾粟從披野草尋
辛苦田家風味別老農相對亦無心

雲臥山莊詩集

卷七

三

帖瞻堂刊

飢禽

飢禽墮地展翎低飛鳥乘風奮翮齊已定鳩居忘鵲惠
漫勞鴟嚇到鸞枝文章鸞鷲朝陽見聒噪鷓鴣夜雨淒
萬里冥鴻渾不識甕中空自舞醯雞

題楊伯昂明府

激雲

所藏先世書畫遺冊

乾嘉風物渺難期筆墨雲煙亦自奇萬里一編勞護惜
百年三代見畱遺縹緗未墮兵塵劫研笏同珍祖澤垂
此去滄江秋月滿更添山水入新詩

過松竹山房畱贈龍樹棠

落月屋梁常念汝十年今日始登堂馳驅遠道塵埃滿
簡樸幽居風味長尊酒盤飧煩料理高吟大醉共淋浪
兒童莫笑先生老老氣猶爭少壯強

題冒小山通守

沅枕戈錄

鄰烽緊急羽書馳爲埽萑苻出誓師變起倉皇完節義
家傳忠孝見畱遺百年水繪名宗舊兩世雲門治績垂
憤雪戴天功報國聽談往事有餘悲

伏莽戎多吏治偷潢池盜弄幾經秋如公眞可激頑懦
有子終能殄寇讐十載枕戈心獨苦孤鐙展卷淚還流
雲臥山莊詩集卷七

四 帖瞻堂刊

于今湘上烽烟靜牖戶綢繆望我侯

登白魚歧塢極目有感

舟發營田渚西指白魚歧一洲互湖心截水使東之巍
然聳孤塢結構爭雄奇登臨縱遠目有廟在山陔宏闊
出新構問是三閭祠經營費鉅金莫詳主者誰但聞昌
江船來往此焉維歲時多宴會雜還無威儀眾聚率爲
常蹤跡吁可疑當年汨羅江名以孤忠垂豈謂千載下
濁流混清漪昔賢不可接世運能無悲回首望長沙雲
氣何漫瀾大風吹高浪陰寒砭人肌百川日滔滔吾行

正未涯隱憂鬱寸抱軫結無窮期

白魚歧守風

我舟東行二十日計程不逮三百里朔風陰雨苦作難
稍得晴霽便可喜竭來三日更笑人進方及尺退乃咫
洞庭八百未得半卻望海濱勞屈指三更起視蒼蒼高
斗杓插地寒風號時乖頗冀天或與豈識俗尙符天毀
亦思變計就時軌忍棄千鈞從一毛人生遭遇固有分
但合安心守吾正推篷擁被且酣眠坎止流行何弗順

由白魚歧放舟至岳陽

雲臥山莊詩集

卷七

五

帖瞻堂刊

一棹兼旬阻石尤片帆風利指巴邛卅年爲客嗟萍泛
千里攜家又浪游岳渚平分三楚界君山橫截九江流
暮天無際征鴻起南北分飛望欲愁

寄湯斐齋明府臨湘

故人別經歲欲見愁無緣揚帆渡洞庭夜泊岳陽船相
距但咫尺相望仍山川山川有乖隔懷抱常周旋悠悠
人世情渺渺空中煙滔滔千頃波浩浩萬里天躊躇莽
四顧倚棹心茫然嗟我行程迫君亦職守牽浪走我可
媿循聲君當傳會合固有時樹立勉自堅

岳陽樓

卅年八度此登樓回首滄桑耿百憂亂後亭臺新結構
眼前風日舊清幽岷江西合荒荒遠湘水南來滾滾流
獨倚危闌愁極目長沙雲氣接巴邛

同張蔗泉登呂仙亭

杵翁舊有招尋約每道斯亭勝岳陽夢想瀛湖勞寤寐
快登傑閣望蒼茫市塵撲地塵囂遠山水浮空野趣長
尙喜白頭張籍在同來吟眺發詩狂

亭上鴻泥爪跡存

壁上有伯兄書
聯及南屏題詩

當時游興共軒軒來

雲臥山莊詩集

卷七

六

帖瞻堂刊

尋勝地蓬蒿裏不覺遙天日月昏蜚氣樓臺驚客夢

時奉命將
出使倫敦

鶴泉茗椀弔詩魂

南屏自號鶴茗翁
歸道山已二年矣

江山

風月殊今昔更欲同君子細論

螺山

風急滯征棹江空生暮寒小舟魚市晚平野鴈行寬
客感入遙夜雄心激怒湍徒懷魯子敬鬪鴨有遺闌

鴨闌磯上壘傳是緝私營水陸殷笳鼓風霜卷旆旌亦

知糜厚餉未惜假虛聲誰識持齏法悠悠客路情

舊識邁翁宅堂堂八柱廳

王子壽比部世居螺山其聲
廳事八柱皆故明時物也

名動江漢文字託英靈夜月低空冷遙山向夕冥故人
何處訪衰草滿寒汀

黃鶴樓

三十年前吟眺處幾回興廢幾經過仙人黃鶴渺無迹
客路滄江空逝波樓閣倚天蛟蜃雜江湖滿地鴈鴻多
登臨不盡憂時意落日晴川柰晚何

與焦山寺僧芥航索東冷泉水

開士風流自昔聞喜從茗椀接清芬江魚野鳥天遼廓
獨上高樓看海門

雲臥山莊詩集

卷七

七

帖瞻堂刊

昨自焦山頂上回眼中塵垢豁然開乞分一勺東冷水
更洗填胸十斗埃

金眉生都轉以詩約爲西湖之游次韻奉荅

舊聞遜交論山水欲老西湖采朮芝

新城陳懿叔徧游五嶽嘗爲予言山

水明秀隨地可人終讓西湖他日當歸老於是

勝地眞堪終歲住清游已恨廿

年遲上書太息心誰諒策杖登臨力未衰尊酒孤山共
君醉暗香取證老梅枝

題石似梅三世遺澤卷

卷爲似梅曾大父琢堂先生就養浙江示兒孫詩一

家皆有和作兵燹後此卷尙存似梅跋而藏之將遍徵題咏而似梅旋以航海隕命眉生出以屬題

五十年前翰墨存湖山無恙擁高軒承平人物膺多福
文采風流盛一門擾擾劫灰滄海變寥寥詩卷雪泥痕
亂餘手澤宜珍護舊德畱遺四世孫

長沙九日聯吟處公子翩翩眾所傾揮手天涯三載別
傷心海上一身輕名家舊學嗟零落遺澤畱題見性情
跋語猶新人已故不禁展卷淚縱橫

湖上小集次眉生韻

樓臺幾處晃雲烟又趁春晴一放船垂柳受風低乍舞
雲臥山莊詩集

卷七

八
帖瞻堂刊

老梅如雪墮堪憐清詩美酒張遊興水色山光悟畫禪
更欲兩高峯上去曠觀身世意翛然

定王臺畔識君初歲歲傳書到鯉魚吟事遠聯千里外
游蹤早訂十年餘眞成邱壑烟霞侶卻憶瀟湘水石居
客路相逢共相慰猶慙意氣未全除

湖上春寒悶物華稍看新綠襯明霞浮空島嶼通三竺
隔岸山城隱萬家南渡遺墟幾榛莽東流駭浪轉禾麻
愁來併作千秋感目斷遙天日影斜

東南田土尙汙萊橫海艖艘數往來憂國老臣持玉節

辭家羈客酌金罍因談時事縈歸夢拚走天涯作棄才
向晦語君宜宴息孤山暮靄首重回

上巳日金眉生都轉秦澹如觀察邀同皋園修禊
以落花芝蓋楊柳春旗茂林修竹流觴曲水十六
字分韻賦詩予分得落字

春遊邁良辰勝踐尋夙約城東地幽迥近市得林壑池
水曲通河遠山低繞郭叢翠間深淺殘紅半開落佳境
接清歡名翰豁積曠澹如觀察出示皋園舊圖富崇軒太守亦出所藏書畫傳觀舊

圖尙如新今構已殊昨滄桑感無端肝膽森嶽嶠間曠

雲臥山莊詩集

卷七

九

帖瞻堂刊

鬱崇情盡醉且爲樂回思絜園會韻事亦不惡騷壇爭
雄長圖貌擬褒鄂壬申絜園展禊分韻賦詩曾繪圖紀之悠悠五星霜天

涯成旅泊當時舊酒徒散若風埽籜惟餘卷中詩往往
發鋒鏑人生如飛鴻爪跡偶然託皋園幾興衰此會甯
寂寞烟雲千萬變意氣三百躍爲詩謝主人結念入寥

廓

眉生邀同出清波門游淨慈理安厯九溪十八澗
循江路至雲栖寺還登江船會飲至夜午始歸

輕雲吐朝曦曉色橫蒼然南高鬱幽秀東去羣峯連肩

輿繞山麓磴道交迴旋夭桃媚空谷爛若紅霞鮮境僻
少人跡隱隱聞流泉一徑入叢碧古寺當其前高森蔚
喬木杳靄浮晴煙翠華昔臨幸輦路馳錦鞵奎題
雲漢章光輝被山川百年更兵燹陵谷多變遷溪光與
山色寂寞餘春妍循溪度曲澗百轉臨江邊大風吹海
潮拍岸聲喧闐輿行御風善迅疾轉安便雲栖隱深竹
遠映山嬋娟陰翳白日薄徑絕綠篠穿蓮池舊道場塏
院屹修椽外邃而內曠登覽懷高騫神佛託地靈香火
結世緣往來浩如織羣屐紛相聯回思理安境喧寂殊
雲臥山莊詩集卷七

十 帖瞻堂刊

人天拂袖謝禪悅迴車登畫船紅燈進綠酒低唱鳴繁
絃頽然兩老翁強顏坐當筵以彼綽約態對此衰遲年
但可增惆悵何由致纏綿秉燭乘夜歸重門幸未鍵游
蹤記歷歷逸興獨翩翩更訂獨山約長吟同扣舷

同眉生遊獨山

我來杭州八十日梅花條過桃亦殘看花屢屢意未饜
欲覓勝地窮追攀六幸翁有愛花癖搜訪乃復知獨山
目所未接神先往花海預擬紅霞漫搗來招我共幽討
曉出北郭尋溪灣瓜皮艇子泛深碧岸花歷亂溪流潺

鄉邨春賽雜百戲坐對景物開心顏小橋斜轉水清淺
維舟躡履登巘岼天風捲地海濤怒嶺樹蔽日雲旗翻
茫然四顧迷望眼但見山水交迴環松間啜茗暢談笑
疑是仙境非塵寰獨山古寺在山麓叩門不應僧閉關
寺前方塘廣一畝萬木映水枝屈蟠夭桃委地散紅雨
游魚唼花躍紫瀾自昔美人怨遲暮飄墮每惜知者難
咄哉兩翁真好事與花慰藉爲花歎佳人窈窕伴高士
老梅千樹尤奇觀虬枝偃蹇飽霜雪百年幾閱滄海乾
近城咫尺名不顯卻以寂寞天真完始知佳境隨地有
雲臥山莊詩集

卷七

十一

姑瞻堂刊

耳食豈免遭欺謾吾儕好尙與時異選勝只合披榛營
明年花時會相訪期君更試腰腳頑

秦澹如觀察招飲

淮海才名天下傳武林相見各華顛數陪杖履商游事
又共簪裾接盛筵清淺方池春水注槎枒高樹古藤纏
夏朋勝地堪留戀醉後題詩意灑然

奉陪楊石泉中丞小飲湖舫

佳日數陪羣彥會春風又共使君來六橋柳色迎旌旆
萬頃湖光入酒杯高士舊亭喬木在

西湖樹皆新種惟孤山放鶴亭側有

古木十餘株

故人行館晚花開

彭雪琴宮保退省菴中桃花盛開

留連不覺

歸途暮鶴舫

所坐船名

從容載月回

由雲林寺登韜光鍊丹臺

眾綠初齊春色深
飛來峯洞晝沈沈
仰看絕磴盤千仞
為訪韜光試一臨
門對江湖連海氣
泉通竹筧入雲林
修篁喬木荒臺晚
寂寞丹鑪何處尋

葛嶺

北高峯北嶺崔嵬東望朝陽舊有臺
湖水縈青當檻迴
江波浮白隔城來
仙蹤遙想飛雲表
古道斜穿亂石堆
雲臥山莊詩集卷七
獨上層樓窮遠眺
忽驚疏雨溼蒼苔

土 帖瞻堂刊

杭州二十首

九峯山樵書來問杭州山水兼訊游蹤作此代簡

試數杭州勝奇觀
出自然湖平六橋跨山斷
一城連樓閣疑蓬島
煙波趁畫船陰晴與朝暮
殊態總爭妍

吳山發天目百折入城中
奇石多成洞層樓半倚空
江湖分左右風日樂兒童
敞俗嗟誰挽崇祠粉黛叢
杭俗婦女

喜入廟燒香吳山諸寺
香車寶馬無日無之

寂寞城東角，榛蕪極望平。
泉園尙池館，流水繞軒楹。
禿飲羅羣彥，聯吟盛友聲。
蘭亭陳跡渺，高會豈勝情。

南去尋三竺，先登忠肅墳。
倉皇驚土木，遇合起風雲。
終使徽欽返，翻成徐石勳。
後人誰仰止，祈夢日紛紛。

奇峯飛忽墮，古洞轉逾幽。
山靜泉俱冷，林深氣易秋。
香煙方丈定，色相應真留。
靈隱堪棲隱，應須日日游。

韜光北山半，山勢向東開。
海日烘雲出，江潮滾雪來。
泉聲通暗篋，野色入高臺。
絕頂無由陟，蒼然策杖回。

雷峯如老衲，保俶似佳人。
對峙西湖上，長留太古春。
暖雲臥山莊詩集

卷七

三

帖瞻堂刊

風微度鳥遠，水細生鱗隨。
地堪登眺無勞更問津。

湖壩山聳峙，武穆有墳莊。
異代靈猶赫，中原事可傷。
軍諮一闕市嶺背，半間堂懷古情。
何限憑臨弔夕陽。

孤山山秀特，放鶴屹高亭。
處士逝千載，遺墟劫幾經。
寒梅開歷亂，垂柳影娉婷。
把臂華宗入墳邊，戰血腥。

庚申之變

錢塘林典史閭門殉難克復後
當事覓其遺骸葬和靖墓側

白蘇名不朽，遺廟講堂開。
俎豆士宗仰，湖山靈往來。
樓臨三面敞，隄抱一溪回。
尙友平生志，慚予薄劣才。

白蘇二公

祠側今建

孝廉堂

吟香懷舊館退省此行窩峭石當階立空潭得月多花
開人未至門閉客常過翰墨留題徧斯人定不磨

彭雪
琴宮

保退省菴在
三潭印月

湖光敞明秀卻讓裏湖幽共掉扁舟入因爲葛嶺游飛
梁無水度巨石有雲留極目江天外昏昏海氣浮

聞道乾嘉盛湖莊夾岸羅樓臺連棟宇花月豔笙歌剩
有山川在空殘瓦礫多行行問遺老興廢感如何

策馬南高麓山回徑亦深雜花圍野屋芳草入幽林溪
澗流泉細招提古木陰 翠華臨幸處遺跡費披尋

雲臥山莊詩集

卷七

古 帖瞻堂刊

武林數百寺佳處數雲棲鬱鬱羣峯合森森萬竹齊天
低青欲接徑繞綠真迷堦院何蕭爽時聞異鳥啼

錢江流不盡畫舫競笙歌美酒從人貰歡場向夕多媽
紅嬌可柰衰白興如何卻笑天涯客風情託醉哦

不識獨山路探桃得縱觀花殘紅雨散葉密綠雲漫更
有梅千樹斜通水一灣花時會來賞香雪擁闌干

忽憶湘城外東湖景絕佳江山自明麗雲水渺津涯天
盡鄉心遠春遲客思乖幾時神鼎上選勝踏芒鞋

京國三千里湘江卅六灣嗟予老兄弟相望各雲山米

貴居非易薪勞計亦艱祇因恣游賞聊復破愁顏
爲報九峯老清游吾可豪徧搜吳地勝還指越山高尊
酒鑑湖月扁舟滄海濤他時紀行跡更與灑吟毫

端園

曉發金閨城扁舟泛淪漪行行指木瀆有園臨水湄結
構繚而曲壘石相蔽虧路從石洞轉亦於石頂歧一轉
一邱壑一歧一欽寄乍見眩所向細觀卻非奇初至涉
其藩謂是尋常爲深入境屢易始覺布置宜佳處在善
隱恍若無端倪遂使數畝間升降力欲疲往時戰伐秋
雲臥山莊詩集

卷七

五

帖瞻堂刊

兵燹未及茲花木延古意亭榭存昔規主人舊藩侯

潘偉

如方伯時
僦居園中

養疴白雲睡愛此園林好借供心目怡雅興

與人同游客許來窺到門不通刺得徑任所之佳節慳

勝踐

是日爲
天中節

浪跡慚天涯仰攀樹挺挺俛視水瀾瀾五

嶽空蟠胸小築良可思

無隱菴

尙書無舊館

畢秋帆尙書靈巖
山館今成瓦礫矣

開士有新菴一碧入深

徑遙青生晚嵐軒堂轉逾邃泉石靜相涵歸路偶然至

搜奇喜縱探

虞山破山寺用常少府韻

寺湖南齊古山圍北郭深蒼茫連海氣幽寂定禪心君

子泉通澗

寺後有泉名君子泉

高僧墓隱林

寺爲四高僧卓錫之所去寺數十武四高

僧墓在焉

薰風動喬木靜聽自成音

錢塘觀潮歌

殷如雷聲走隆隆倏如狂風吹萬松遠如白沙晃朝日
屹如銀山海中出錢江東趨鼉子門奔騰直下聲喧喧
冰夷弭節忽卻立旋轉坤軸洪濤翻江天簸蕩蛟龍駭
坐看洲渚變滄海萬人股栗不敢譁須臾潮落洲仍在

雲臥山莊詩集

卷七

六

帖瞻堂刊

我思潮汐何處無獨此突怒胡爲乎或云龕楮兩山屹
相向山間礁石隘而妨潮來欲進不得進遂以迸激成
倔強又云鴟夷一怒幾千年雲旗風旆出沒煙波間驅
使萬馬蹙高浪排擊越地吞吳天滄桑變遷無終極異
說傳流誰究測滂渤自擅天下奇長與月輪共消息吁
嗟乎海氛漭漭浩無垠海氣蒸鬱迷通津江水欲與海
水搏勢力一詘無由申竟令海水誇雄長軒然作態日
來往漂沙坼岸洪淋淋馳蜺奔馬難具象舊聞聖人之
世波不揚夢想海天闊同曠朗隔江無數弄潮兒與

潮相狎乘潮嬉眼前不見沈淪苦沓雜潮頭過秋雨

次韻眉生杭游述懷卽以送別

頻年潦倒託遨遊賴有山川爲寫憂高論向人惟捧腹
狂吟得句易探喉征鴻遠浦三秋老尊酒平原十日留
風急天寒促歸棹憶君煙雨滿湖樓

蒼生那得起斯人榮悴安危并夙因鬢髮又驚秋後改
性情頗覺老來真論交四海名終累高枕吾廬德有鄰
聞說草堂堪小隱百年珍重箸書身

投老雄心寄梵書一空障礙卽通儒騫飛白鶴雲邊翮
雲臥山莊詩集

卷七

七 帖瞻堂刊

探摘驪龍頷下珠閉戶自知吾道大談天敢笑世人迂
破除萬事從疏放贏得清閒體貌腴

客中送客劇相思別後羈懷更可知載酒籬邊秋意薄
彈琴海上世情移生愁晚菊彫佳色漸喜寒梅發故枝
旦夕訪君柯棗上共看霜樹作春姿

至嘉善訪眉生先之以詩疊前韻

志士心情徹四游吾徒懷抱鬱千憂同心愛掉廣長舌

高唱難調宛轉喉身世與君多感喟園亭容我小勾留

草堂一話前緣在魂夢先馳半野樓

眉生顏其齋
日半野樓

寒天風雨阻游人游興還多未了因永憶煙霞非世態
久論泉石對吾真狂來直欲呼攜插佳處何緣便結鄰
屈指超山梅信早春光應不負閒身

卅載蹉跎誤讀書怪他勇將喜稱儒便饒鄴架千編玉
未抵隨家一寸珠異代公評誰得失末流正論儘拘迂
虛名漫作千秋計夢想將無世味腴

百端根觸起遐思怪幻離奇事可知下士易邀天眷顧
聖人倘與世推移踏波鷗鷺無千里託跡鷓鴣在一枝
明日就君商所處庭前松竹若爲姿

雲臥山莊詩集

卷七

滬上送伯兄出使海西疊前韻

大
帖
瞻
堂
刊

一棹重爲滬上游鴈行天半寫離憂坡翁海外知名姓
山甫朝中寄舌喉使命但將誠信布客程聊爲弟兄畱
衰年遠道難爲別愁聽寒風倚舵樓

世運艱難要有人喧囂那復更相因諸君漫倚虛驕氣
大計誰權利害真斫地放歌羣作態寥天極目四無鄰
涉川自識憑忠信萬里波濤看此身

清芬世守一編書佔畢平生恥俗儒但省無瑕珍美玉
豈期卻走詒明珠高談未必心無忤專對方知士不迂

早盼歸來賦偕隱先疇二頃足膏腴

蒿目澄觀有所思此情難強世人知琴書好在家偏遠
舟楫依然岸屢移厯亂梅花存古豔扶持荆樹茂連枝
海西寒重春光晚風雪還堅鐵石姿

滬上旅寓爲舍弟五十壽時伯兄奉使出洋弟亦
旋回湖南暫聚復別黯然有懷次眉生贈舍弟韻
四十壽君曾有句十年舊事怕重談弟兄旅食渾無定
江海奇觀忽共探泥爪偶畱申浦上鄉心已渡洞庭南
天涯相聚愁相別老境深思蔗味甘

雲臥山莊詩集

卷七

九

帖瞻堂刊

別兄兩載弟經年異地萍踪話慨然雲氣迷離燕市月
浪花搖蕩楚江天權奇同甫山中老文字東坡海外傳
遠道故人勞餞送樓船悵望起蒼煙

梅根居士寄示九日獨游天心閣遇雨詩疊韻卻
寄

山水平生幸結緣游蹤到處自軒軒正當異地重陽日
來看平湖萬頃煙疊嶂層巒迷楚望暖風晴日入吳天
黃花恰及登高會獨踏塵埃憶昔年

別後仍聯文字緣雁書飛到駐春軒

杭寓書室額
題駐春暉館

吳山

此會人如海傑閣君看雨似煙遠夢依稀通絕域伯兄時出
使海 鄉心飄蕩隔遙天豪情輸與荷池交腰腳猶能敵
西 少年

彭雪琴宮保見示和黃恕皆侍郎元日對雪疊韻

詩奉同二首

璀璨瓊瑤尙挂簷擁爐烹茗試薑鹽

東坡詩一半已入薑鹽煎吾邑鄉俗

烹茗率用薑鹽

鄉心改歲愁相湊詩思禁寒語易尖凍雀爭枝

渾欲墮遺蝗入地料應殲杭州佳話他時說賭韻豪吟

楚二髯

雲臥山莊詩集

卷七

三

崑瞻堂刊

倦游不復客諸侯

何小宋制軍邀予入閩予辭未赴

欲向西湖泛小舟

坐見光明生大地盡收景物入高樓烘春日薄寒仍峭

解凍風來力轉適安得雪消花事早更陪杖履快遨頭

贈雪琴宮保疊前韻

乾鵲喧喧噪畫簷詩情清似水中鹽起看新溜穿牆罅

已有朝陽透屋尖偃蹇老梅衝冷綻離披蔓草藉寒殲

由來本質分榮悴休歎霜華上領髯

漫說功成相不侯高情千載五湖舟壺觴松菊容三徑

弓矢琴書共一樓特立獨存雄直氣重來再閱歲華適

宮保巡閱長江水師嘗
隔年一至西湖度歲
夏時小聚須行樂莫待春枝寄

隴頭

贈恕皆侍郎疊前韻

雪壓闌干花覆簷此心淡泊證齏鹽詩篇重疊開懷抱
酒氣淋漓出指尖在泮鷗鴉音自好踏波蛟蜃命終殲
扶持士類匡時運未羨笙歌擁紫髯

老去青門笑故侯江湖隨地可方舟未謀揚子一區宅
且臥元龍百尺樓疏散襟期憐我拙崢嶸風格讓君適
眼前桃李爭春發披拂東風滿陌頭

雲臥山莊詩集

卷七

三 帖瞻堂刊

率江甥芾生至三潭印月訪雪琴宮保適楊石泉
中丞希贊臣將軍黃恕皆侍郎黃芍岩軍門唐藝
農廉訪先後並集會飲樂甚與贊臣恕皆芍岩藝
農同舟而歸卽事疊前韻

探梅索笑共巡簷唱荅歡如水著鹽使節行移荆渚遠
贊臣時移
鎮荊州 星軺曾歷蜀山尖
恕皆前
督蜀學 揚淮坐鎮封疆靜

黃歇威加寇盜殲盛會春風生四座更看唐介美鬢髯
聯吟石鼎傲劉侯歸路還同李郭舟雅集暢懷忘旅食
中流回首望層樓老臣憂 國肝腸熱小隊乘風氣勢

適年少江郎温似玉冰清慚說在前頭

丁次谷邀同唐拳之及兒壻輩泛舟遊雲棲寺歸途遇風城門已鍵因宿舟中

舊跡鴻泥在春游蠟屐催重尋幽寺去又趁畫船來萬竹仍低地千林忽隱雷大風捲江水柔艣且遲回

遺墨思翁重珍藏二百年真行紛雜糅點畫乍媿妍紀

日翻遺月隨人匪任天高名信堪寶少作至今傳

寺藏董文

敏書金剛經真行錯雜字體時有出入蓋少作也後署作書年日而不著何月名家乃亦疏漏若此

山峻雲爭出江空日易昏波濤喧近岸絲竹對清尊老

雲臥山莊詩集

卷七

三 吐瞻堂刊

眼看花誤閒愁翦燭論酒邊懷往事惆悵舊襟痕
歸棹初依岸巖城已閉關委心無固必隨遇得安閒清
話消長夜低斟謝小鬟諸君應笑我游興老逾頑

半山看桃花

半山桃花舊有名居人多倚花爲生平疇十里關花國
共卜春實同秋成我昔扁舟過皋亭風雪盡斂眾木榮
長年倚棹閒指點春來夾岸紅霞明花朝晴霽最可喜
乘興便作看花行出城新綠紛在眼盎然春意郊原盈
千紅萬紫曠無際爛漫錦帳張迴縈凌波仙人發嬌豔

遠望綽態思柔情澹白雅稱稷李件深青時見孤松撐
田歌漁唱互響苔山禽水鳥相和鳴直疑仙源在人世
絕境欲託一塵氓蕭條古寺隱山腹佛像剝落棲榛荆
乃知兵燹亦到此四顧瀕洞煙雲平高天皎月照無寐
客懷靜對山崢嶸明發歸舟別花去領取花香送入城
上巳日風雨未能舉禊事感念舊游悵然有作

皋園舊續蘭亭禊酒戶詩豪盛一時客裏又逢佳節過
雨中空與故人期高穹黯黯浮雲起大澤昏昏落日遲
獨倚闌干數花信泥塗紅紫若爲思

雲臥山莊詩集

卷七

三 帖瞻堂刊

奉送楊石泉中丞解官回湘鄉

吾道從來有屈伸十年持節靖邊塵荆州方幸依劉表
河內無緣借寇恂每念瘡痍思靜鎮肯將谿刻易深仁
紛紛燕說憑何辨得失惟應付夙因
回首烽煙膽尙驚當時強起佐專征江山次第看重整
矢石艱危勉策名手種桑麻成茂蔭心知蒿艾易滋生
歸懷早逐冥鴻遠太息昌黎詠短檠

洞庭南去草萋萋海國風濤望裏迷薄俗那容錫著帽
多情翻作絮沾泥行裝輕刺書千卷生計寒畱菜一畦

不負山居畊讀素歸田猶及課鋤犁

夙昔河汾教澤深

謂羅忠節公

年來餘韻漸消沈暫拋簿領

聊棲息好聚朋簪更討尋遠道飄蓬仍泛泛故園喬木
自森森漣濱倘遂重游願他日從君證素心

奉送彭雪琴宮保巡閱長江水師

江水東來接海潮送君西去路迢迢精神包舉五千里
詩酒周旋二百朝暇日整軍應有道老臣憂 國敢辭
勞客中朋舊天涯別淒切樓船響夜刁

東南盜賊昔縱橫崛起衡湘擊楫行相國忠誠羣力拊

雲臥山莊詩集

卷七

七

帖瞻堂刊

故人氣節一時傾功成更策安攘計心遠從無寵辱驚
贊畫水犀軍制定至今天塹倚長城

闕下辭官乞退休乘槎仍 詔領貔貅兩年一作西湖

客三月重尋南浦舟黯黯春雲迷遠望滔滔滄海尙橫

流關河扼塞經過處地利人和要細籌

石鐘山上舊因緣忽漫回頭二十年

咸豐戊午予隨曾文正公由江西督

師小駐湖口君時方建石鐘山歎息師門今草宿蹉跎

水師昭忠祠落成留祠中七日吾輩亦華顛萍蓬又向他鄉聚風雨何堪別恨牽聞道

流亡滿江畔憂時懷舊兩淒然

重游柯巖

懸巖深洞腹似擘巨靈掌其中漚澄潭一碧涵潏潏不
知氣陰森但覺勢軒朗依巖闢幽徑磴道盤空上挺立
見雲骨

石佛寺前一石特立高數仞極皺透之致上題雲骨二字

皺摺生異象崇祠

古道場有佛高數丈莊嚴雕鑿精碩大金碧晃顧我曾
相識一笑尙塵鞅雪泥尋指爪林壑契欣賞靜寄趣與
永坐久心逾爽須臾天欲雨船人促歸榜悠悠泉石情
邈邈煙霞想行行境已遠眷眷神猶往昔人此爛柯流
傳事恂恍徒聞仙跡託誰聽棋聲響何處采樵人高歌
雲臥山莊詩集 卷七

三

帖瞻堂刊

出林莽

山陰道中

羣山隱秀遠相抱眾水滌洄淨不波濃綠極天林壑美
微黃覆隴麥田多扁舟隨地堪容與斗室何緣託寤歌
佳處未嫌疲應接鑑湖吾欲覓漁蓑

餘姚有懷王文成公

崇山合沓一江開放棹陽明故里來百戰功名兼智勇
千秋學術闢奇瑰良知豈免高明過大任終令事業恢
懷古傷今三歎息危時何處得斯才

雪竇紀游

侵曉入江口江淺不容舟踏水挽舟行力盡舟還畱舍
舟向山路崇山環四周卻於四山中卅里敞平疇黃知
麥穗老綠訝秧鉞抽水聲喧桔槔鳥語雜啁啾行行忘
道遼漸進林壑幽山外山合杳顧瞻窮遠眸入山不覺
山但覺樹陰稠雲來無端倪近睇成退陬模糊山樹雲
一氣虛空浮雲去天宇霽山樹仍當頭萬變本尋常靜
觀理可求遊客自咄咄居人自休休

循山數登降路從山麓轉重疊山逶迤盤旋路修緬百
雲臥山莊詩集

卷七

三

帖瞻堂刊

轉陟山腰山勢忽中展畦畛曠以平岡巒繚而遠巍然
古祠廟宏構依翠巘東西雙澗水合流滙清淺稍趨千
丈巖曲折故涵演巖懸作三疊巧若神工刻每疊石突
出如盆或如琰流泉倒空下澎湃不委宛直注盆淺中
迸激氣逾輾再落再噴薄奔騰珠玉泣四山爲動搖高
空自舒卷偉哉造化奇終古駭心眼何當入山深錐幽
窮勝踐

崢嶸窳堵坡前臨妙高臺其下深莫測峭壁無根芟羣
山此奔赴劃然屏嶂開森如侍衛列曠若煙雲堆田疇

帶村落深秀俯山隈大風吹長松浩浩濤聲厖巖瀑復
相雜入耳疑驚雷喧闐轉幽寂塵囂何有哉高僧昔藏
眞遺塋委蒿萊仙佛事渺冥悵望使人哀林泉有清興
名利心當灰古來棲隱士亦是英俊才豈必耽禪悅乃
足超塵埃嗟予墮世網浪走眞可哈心與白雲遠跡逐
斜陽回逢山空留連將無猿鶴猜

雲臥山莊詩集卷第七終

男慶

藩本

孫本

壘

恭校字

雲臥山莊詩集

卷七

七

姑瞻堂刊

雲臥山莊詩集卷第八

湘陰 郭崑燾 樗叟

黃芍岩軍門邀游天童夜宿僧寮次日復至育王

宮觀舍利塋

佳招尋舊跡經歲此重來去歲閏五月曾游此小隊元戎出連山

夕照開市廛臨水近洲渚障溪回橋畔維舟處荒祠尙

草萊

山抱一溪曲溪窮山已深言尋入山路更向小溪陰塋

影攬空迴泉聲赴澗沈差峩橫太白隱隱萬松林

雲臥山莊詩集卷八

長松森夾道蒼翠落衣裾松盡轉幽徑林開得淨居禪

宗千歲接宸翰列朝書寺藏世祖聖祖世宗御賜書畫秉燭看

經藏藏經閣皮存明板及雍正時所刻藏經山僧亦起予

勝地堪幽討前游草草過山靈應我笑游興逐年多南

控鄮江隘東連滄海波夜深高阜望明月在煙蘿

招提傳晉代赫赫育王宮舍利今猶在飯依眾所同一

丸看隱約千古走愚蒙慨歎向歸路揚帆趁好風

送左仲茗司馬之浙東次蔡公重送別詩韻

他鄉暫作故鄉親老矣天涯契合真寂寞江山非舊蹟

蕭騷風雨伴吟身壯懷欲付杯中物古意相看畫裏人
仲茗精白描人物兼工山水有李龍眠之風 好去鑑湖尋賀監題詩賭酒岸
綸巾

八月十八夜夢與六幸翁在滬上唱和二律僅記
第一首中四語因足成之

海上潮頭百尺高海濱樓閣壓飛濤名流詩酒西園集
狎客笙歌北里豪畫舸載將人老大綺風吹送雨刁騷
滄波浩瀆青山遠誰識繁華夢境勞

題惲季文公子雲圃讀書圖

雲臥山莊詩集 卷八

二 帖瞻堂刊

年少差峩好弟兄眾中早日見錚錚膠庠聲聞聯翩起
堂構規模次第成高館春風同被樂青鐙夜雨讀書聲
參天喬木濃陰在不負遺經裕後情
中丞爲政古循吏自別長沙十二年遺愛尙存名宦祀
清芬深望後昆傳山陽感舊嗟予老堂北承歡識子賢
只惜故人今不作眼看雛鳳轉悽然
東眉生卽次其寄兒子慶藩韻

憂患權輿識字初壯懷牢落歲寒餘偶因入市思屠狗
何處臨淵可羨魚五斗未能澆塊磊百年且欲向詩書

山川賸有登臨興雲水光中一杖扶

落葉搖風萬壑哀故人不見見詩來箸書晚占山中席
愛客歡傾座上杯百折千磨成學識良時勝概足低徊
楚歌激越吳歌脆尙喜天涯唱和陪

寄懷彭雪琴宮保疊歲首對雪詩韻

不用低頭向矮簷幾聞大任屬魚鹽人情習慣吹毛孔
客況眞成入角尖中澤鴈鴻猶待集西疇螟螣未全殲
憂身憂世無窮感獨立書空欲奮髯

平生頰首數誰俟廿載勳名一葉舟垂老深思幼安席
雲臥山莊詩集

卷八

三

帖瞻堂刊

故人何處庾公樓湘江澹蕩心同潔衡嶽崢嶸氣竝適
早晚南歸重話舊消愁還共酒扶頭

寄懷丁次谷司馬

兩年幸作吳山聚九月翩然江上行四海一身常苦窄
全家千里復長征茫茫君尙迷前路踽踽吾方畏後生
回首故園松菊在知予天末盼歸程

聞道湖湘事尙多重游風景定如何澧沅可茁新蘭芷
煙月長懷舊薜蘿朔雪嚴寒連海角遙天遠夢落江沱
故人同有飄蓬感莫任蓬飄逐逝波

題泥中吟

歐陽泰所著泥中吟頗多卓識爲士大夫所不及予往歲曾爲之敘頃復相遇於杭州十年所得詩又將盈卷其窮益甚而其抑塞磊落之氣仍未稍減於疇曩而予則頽然老矣重展是編不能無今昔之感因題二絕句

十年重見舊題詞牢落天涯感鬢絲愁對泥中頭白老依然敝楸裹新詩

西湖舊擅東南秀勝地今殘瓦礫堆客路傷時兼感遇雲臥山莊詩集卷八
可憐何計拔斯才

四 帖瞻堂刊

戊寅人日大雪奉同胡月樵觀察鳳丹應敏齋廉

訪寶時馮鐵華太守譽聰宗湘文太守源瀚陳槐

亭明府鍾英繆堅士部郎鞏小集秦澹如觀察綱

業 寓中月樵有詩次韻四首

三載杭州客風塵感鬢華壺觴人日酒霰雪滿城花遠浦栖征鴈寒林噪暮鴉重陰悶春氣感事一長嗟

傾蓋逢新雨停杯話故知共驚天黯黯未覺日遲遲唱苔吟冰柱談諧笑玉卮叨陪羣彥會愧我自肥癡

良時好行樂，裘屐筮朋來。稍覺春陽動，翻遲暖氣回。畱
連文字飲，感慨顧廚才。人意如花事，尊前鬱不開。

河北頻憂旱，爲霖盼一朝。願分膏澤澤，庶補聖明朝。

客思馳千里，民依望九霄。諸君善康濟，吾欲老山椒。

眉生寄示偶園鐙讌詩次韻奉寄

端居無策拯黎元，垂老聊營亭榭軒。道壺觴開雪讌，
共看鐙火似星繁。高低巖壑疑圖畫，風雅賓朋聚笑言。
蓬島何緣在人境，羨君樂事足田園。

老去風情最惜花，花時歡會儘喧譁。遙知夜月侵瑤席，

雪臥山莊詩集

卷八

五

帖瞻堂刊

盡引春光入碧紗，十晦園林心好寄。卅年湖海願空賒，
慚予尙負登堂約。卻望君家更憶家。

題眉生花海四游圖冊

杭州形勝古有述，前者所關後者從。共馳名譽寄浮慕，
豈有邛壑藏心胸。游覽亦自要學識，我獨傾倒六幸翁。
翁性好花兼好游，聞有佳處常攜筇。每於荒寂恣幽討，
眞賞恥與世俗同。跡所間阻或神會，以意思像工形容。
置身花海迴獨立，只有花氣稀人蹤。昔賢題詠闕有間，
高文直欲開鴻濛。我昔陪游獨山麓，桃花滿地殘霞紅。

卻登絕頂豁遐矚襟抱灑落隨天風今年起山復勝踐
老梅千樹花香濃擎空翩翹翥鸞鳳拔地糾結蟠蛟龍
山頭古寺倚危石巖洞天造非人工江山東西坼吳越
一氣浩浩浮晴空四游得二頗自詡興往不復知衰癯
西谿清遠花塢邃咫尺但隔湖上峯游懷數動數不遂
口誦君記思無窮竭來畫圖寄示我夢寐似入君圖中
卅年浪走半天下雪泥爪跡畱飛鴻武林住久游最暢
日覓幽徑披蒿蓬眼前往往得異境寬若不與人間通
身閒心遠足眼福樗散或是天所豐西北赤地憂蘊隆
雲臥山莊詩集

卷八

六

姑瞻堂刊

東南雨雪連春冬窮黎蘇息定何日宰相調燮難爲功
吾儕憂世非所職攬勝輒度千山重猶嫌隨俗成謬賞
未惜鑿險追猿狖疏頑不稱當世用野逸庶免山靈恫
尋芳倘更訝創獲與君還約傳詩筒

吼山

耳熟吼山名目想吼山面五度山陰舟佳境游未徧
鄙補前闕放船激飛箭仰觀山石起如笠如磨旋一柱
承其下峭削轉輕蓑吼山在前頭石壁森隄堰豁然開
一洞中有水流漩舟從洞門入朗朗闢林院池獅張巨

口欲吞不能嚙石赭淡猶華水青深若靛寬廣十畝強
潤聚五光絢山房啟石竇登覽容息宴卻望雲石磴蘭
若依山建磴道盤縈紆簷身遞隱現相將心嚮往共詔
足捷健窮探造顛頂百里紛在眇寺荒無僧住朽敝失
營繕可憐好山水落寞羞自薦負異空復奇蘊眞誰爲
炫藻繪當有人所期此邦彥

新昌道中

篋輿竟日山中行後山如送前山迎路從山腹轉山脊
不見人影聞人聲山人誅茆倚山曲樹杪隱見屋角橫
雲臥山莊詩集

卷八

七

帖瞻堂刊

人行更出樹杪上一綫高下相回縈風吹山泉灑飛雨
迸落石欄雷霆驚有時涓涓作細響靜聽又訝琴筑清
絕磴盤盤接雲漢仰視高峻仍寬平東西屹立兩門戶
壘石便可同堅城其間袤延數十里四面環峙山崢嶸
往時兵燹能扼守當關之勢誰敢撓若使險隘宅奸宄
攻取恐亦煩官兵客途縱覽獨深慮淺見得不嘲書生
輿中放足且酣臥適意不用防溝坑明日天台望雲海
更發萬里蒼茫情

天台華頂山寺

萬山合杳一峯高路轉山腰陟降勞風帶泉聲喧斷澗
雲迷樹影入平皋經臺寂寞無僧拜禪榻棲遲讓客豪
似有仙人來問訊夢回卻聽雨刁騷

石梁瀑布

一峯中聳氣勢尊兩水左右流潺湲截然峯勢忽中止
匯作一水交飛奔巨石突起互前敵拒水與水相吐吞
石旣挺立不相讓水乃欲下無由噴摧撼支拄并著力
地脈爲動天爲昏山靈震駭厭聒耳竅石使洞窪使盆
水落盆底激而上穿洞直瀉銀濤翻遂使水石發奇怪
雲臥山莊詩集

卷八

八

帖瞻堂刊

絲歷萬古名常存從來造物多狡獪觀此可悟眾妙門
卻笑劉阮不解事乃以神仙詫兒孫眼前水石卽仙境
且欲攜家來灌園

臺州東湖

湖中有湖心亭東湖書院劉
太守祠忠逸祠皆可游憩

西湖舊擅東南勝風景爭傳第一樓偶向赤城停客棹
又看碧水繞孤洲賢能太守謳思遠忠逸樵夫俎豆畱
講舍欣聞絃誦滿臺州何必異杭州

黃巖縣

城中河水淺如溝城外山光低映樓比戶縑絲惟織絹

居民編竹卽爲舟市廛近海魚常足阡陌分秧麥已收
聞說三農方望澤客塗泥濘我何憂

老僧巖

何年山上僧化作路傍石拱立肅莊巖袞袞低掩腋山
靈殆好事故遣候遊客我思西方教古未入中國緇流
倡宗風乃自六代劇此石幾千年孕育在山僻當時無
僧徒圖貌從何得得毋造化心或恐象教熄偶然示游
戲神工巧雕刻萬事有萬變此理無由測深山富邱壑
游賞交履烏正賴精藍多所至足可息點綴山林景亦
雲臥山莊詩集卷八

九 姑瞻堂刊

復藉藻飾所苦僧眾俗不勞吾輩闢石僧默無語吾意
吾自識一笑入山去且證飛鴻迹

靈峯洞

雲林峯飛來數洞繚相屬陰森而竊曲入者駭心目柯
巖稍明敞寒潭滙巖腹參差起樓閣游人訝奇矚吼山
關石橋寬廣容艫舳拏舟入其內清池湛深綠此皆巖
洞奇各自成格局雁蕩石尤夥奇詭互攢簇靈峯隱東
谷洞口殊逼促稍進已漸闊直上氣蕭蕭豁然忽開朗
渠渠連夏屋懸珠水常跳洗心泉可掬天光透一綫炎

蒸失三伏卻於諸洞外別出一機軸始悟奇異境未可
耳目圍殊形各孕靈異好有同欲執彼以例此毋乃所
見俗游觀發深省縱浪謝拘束與爲沿襲同何如樹立
獨此理可類推休歎觀不足

淨名寺次壁間朱文定公韻

怪石森千百良朋結兩三煙霞充供養林壑恣搜探涉
獵眞成癖多求不厭貪巖深藏古佛泉細滴激潭樹影
分濃綠天光見蔚藍筍排同突兀僧立似和南洞口堆
瓶盃峯頭隱鉢曇獅蹲高欲舞龍睡晝猶酣盡洗汗泥
雲臥山莊詩集 卷八
十 帖瞻堂刊
淨渾如大亂戡餘骨皆骨立幽僻各心耽忽訝雞鳴起
還愁虎視眈叩關鐘鼓動啜茗水泉甘自喜清游暢誰
將妙諦參吟詩愧先達或附小雲龕

聽詩安

高巖撐百丈一石出其右側立若有聽斜倚出一肘苔
深衣被體草長冠覆首乍觀形模糊細視肖身手得毋
古詩人化石因不朽狂吟付長風持以問石安康樂足
未經靈奇舊豐蔀雅游無李杜紀勝乏韓柳白蘇健游
興官浙各云久題詠不到此蕪沒等培塿後來競畱題

有聽多瓦缶工拙寂無言耳聆倘意受吾衰拙言語膽
粗顏復厚山水強模範可抑否否我自會於心交自
緘其口是非久茫昧於詩亦何有去去勿復問待五百
年後

龍鼻洞

老龍睡不醒垂鼻落山脊山氣合氤氲融爲一莖石安
知鼻涕注但訝涌瓊液一睡千萬年流傳詫奇闢遂有
好事人遠著尋山展畱題徧深刻不復餘罅隙神仙躡
飛雲來訪棲眞宅作使老樵夫攜鋤下深碧似奮平原
雲臥山莊詩集卷八

十一 姑瞻堂刊

樵還學巨靈擘轟然雷霆驚中斷已盈尺樵夫亦震駭
遁走無蹤跡嗟我放浪游探幽攜二客所至酌清泉聊
以沁肝膈飽聞龍鼻水點滴皆膏澤踊躍競攀躋悵望
想疇昔倚壁不敢捫鱗甲森動魄客心旣懷懍吾意亦
脈脈回車指龍湫更聽驚濤拍

大龍湫

雁山挺萬石一石一形狀回環周四顧變幻無定相石
形悉奇特山勢同屏障龍湫西谷內繚曲入夷曠剪刀
時其外銳削出天匠稍轉翦倏合尖圓森筆仗循行繞

其旁又作風帆颺巍然忽屹立尊嚴空倚傍擎天豎一
柱想望橫流障數轉劃開豁仰睇神已王從來談瀑布
匡廬無與抗天臺與石門亦負天下望此瀑最後顯作
意不相讓恥襲尋常觀曲折變新樣乍落乍若起縈拂
故飄蕩山風橫勒之搖曳層霄上散爲千萬珠雲煙飛
漭漭每當朝陽明映射紅霞漾觀者常目眩聞者倍心
嚮乃知造化奇凡百歸醞釀自非親目賞豈免羣言誑
踞石發長吟四山荅高唱平生志邱壑茲游氣逾壯坐
久百慮澄欲別心怏怏山水澹無言臨風寄惆悵

雲臥山莊詩集

卷八

三

帖瞻堂刊

出雁山迴憶山中各石異態殊形佳處不可悉數
爲二詩紀之

天台石梁已奇絕雁蕩之石世更無特立千仞謝依倚
周覽四面殊形模詞人嘔心窘寫狀畫師斂手難爲圖
奧區異境失按討靈運山賊胡爲乎
崇山重疊密包裹四谷谷山環之越嶺乃訝地勢坦
按奇不畏足力疲幽邃曠遠各意象巖洞峯嶂相參差
誅茆倘容卜小築歸去行辦買山資

芙蓉村與蔣鼎臣江浣秋張月坡三君別各贈一

律

故鄉佳士他鄉見游騎聯翩二十朝生計因人嗟碌碌
心期與我共囂囂疏鐙夜雨形骸忘奇石窮探意興超
惆悵芙蓉村外別離亭風笛各魂銷

江郎才竟老巖阿客裏周旋感慨多壯志放將山犖犖
遊蹤踏徧石盤陀半升醪酌淵明酒萬頃汪洋叔度波
此後天涯定相憶我歌還欲聽君歌

客路相逢意氣親導游不厭往來頻儘將佳境供聞客
長與名山作主人古寺荒村成小聚探奇覓句亦前因

雲臥山莊詩集

卷八

三

帖瞻堂刊

鐫鑿造化煩吾子他日重來再問津

時方以龍湫題
字屬月坡摩崖

温州江心寺

孤嶼江心在維舟獨夜情猶悲謝康樂不作晉淵明雙
塔東西峙一泉波浪瑩無窮懷古意風涌暮潮聲

南渡倉皇日曾傳御輦停清暉大手筆

龍翔寺爲宋高
宗駐蹕之所有

清暉二字額
高宗手筆也

末路小朝廷積弱非朝夕空談各渭涇偏

安亦幸耳不待哭冬青

孤臣文信國深識卓忠貞凜烈各千古祠堂煥兩楹時
危存大節世異獨高名嗚咽甌江水東流日夕傾

高閣憑江迴常時得縱觀何期古名勝竟委海波瀾臥
榻偏酣睡行邊空據鞍獨餘游客感潮落暮天寒

發處州

浪游隨地可徜徉又趁舟車指栝蒼野店荒村臨澗壑
溪聲山色似瀟湘殘花尙作迎人舞小草誰憐滿地芳
夜半雞鳴驚客起斜風吹送雨浪浪

度桃花嶺宿鐵金關

午發栝蒼城十里入山谷高高下下路錯錯落落屋甫
上此山脊又向前山麓山勢轉未已斜陽挂林木登陟
雲臥山莊詩集

卷八

西

帖瞻堂刊

足力疲來投村店宿主人不可見有婦顏如玉歡言佳
客至殷勤通款曲輕身移緩步流目送斜矚甯非情縈
縈所歎意忠厚鯁生湖海士奔走罕停轂風塵卅載身
關山萬里足瑩然一片心遇花無畱躅三年武林客羈
旅窘拘束嘗聞甌越奇星言理車軸但取山水趣娛此
心與目香花雖可玩柰非意所屬吁嗟世教衰無復禮
法肅此風肇何時積漸遂成俗嶺上無桃花林中有樸
檉夜半驚吠龙急雨響簷瀑永念行路難默坐感幽獨
披衣待明發歸去騎黃犢

嚴子陵釣臺

嚴陵遁世豈忘情默識雲臺數已盈獨把一竿江上去
高官無意況虛名

畫眉聲裏放行舟水色山光取次收消受桐江好風景
人生何必更王侯

自溫州泝甌江度栝蒼至永康泛舟下蘭谿渡富

春江回杭州

朋游獨游各有樂佳處祇在人領略朋游有得輒相聞
如噎一吐不復索獨游默默以心會轉覺胸中有邱壑

雲臥山莊詩集

卷八

五

姑瞻堂刊

我尋台蕩挾江蔣有勝共談詩共作芙蓉村中別二子
孤蹤獨往愁寂寞樂清竝海渡甌江雷雨風潮交作惡
扁舟如葉絕江行詩思與之同噴薄江中孤嶼見雙槍
弔古傷今百憂灼石門洞前看飛瀑解衣坐石氣磅礴
乍驚煙雨壁上飛又訝珠璣天半落康樂文成逝已遠
遺蹟猶畱後來廓山川正賴巨人顯人亦當於山水託
身後茫茫誰復論眼前攘攘都無著栝蒼西望高插天

依山隱見處州郭主人意厚客程促

潘芸台太守魏厚庵司馬劉秀嶺總

戎王會田明府皆邀畱入城子

更覓肩輿上嶽粵入山

以急欲回杭即日雇肩輿就道

百里困攀躋衰頹不敢誇腰腳早投村店憫僕痛沾取
濁醪還獨酌近聞道路多艱虞數有妖徒逞剽掠自知
行篋無長物傾囊未足供一攫但思緝捕有專司況復
兵勇布參錯當時備禦計亦周誰任椎埋勢如昨大風
深夜撼窗櫺疑是巡防傳警柝狂吟踴壁共誰語和荅
惟聞蛙閣閣山行三日雨相隨似欲阻我端陽約永康
城外水湯湯乃信雨師非我虐放船一夕達蘭谿臥聽
晴空喧鳥雀富春江景最幽秀谿山圖畫看宛若深房
邃闔住娉婷複棟重簷隱丹矚釣臺亭子在山半仰視
雲臥山莊詩集 卷八
六 姑蘇堂刊

遙連雲漠漠入瀧了不見逼仄出瀧又喜大恢拓卻嫌
水溜舟行駛未遑畱戀終懷忤自我出門三十日老矣
豪情猶踊躍半月朋游半月獨各有所適心綽綽兩浙
奇觀今盡收歸來莫笑屠門嚼

錄游山各詩寄梓丞並係一律

眞箇溫臺落手中茲游吾欲傲坡翁洞餘桃葉無仙住
村入芙蓉有路通孤枕夜聽山寺雨片帆朝挂海門風
心期眼界都無負已是題詩滿浙東

自浙還湘翰舟弟有詩見懷次韻四首

南歸眷戀舊山林浩浩洪流何處潯滄海煙波羈旅思
池塘春草弟兄心分飛鴻鴈天邊影合沓魚龍水底吟
邑里荒涼江漲滿城頭落日悵登臨

三年海國望潭陽天末歸心燕頰頰勝地按尋厯台蕩
浪游蹤跡徧蘇杭山川信美身千里風雨愁人字數行
梗泛萍飄堪一笑不知何事去來忙

時事紛紛任變遷莫拋長袖奮空拳豈無顧問虛前席
肯信生涯負冷甌貧裏多年衾似鐵夢中五色筆如椽
男兒自有千秋業藿粥安排力未懸

雲臥山莊詩集

卷八

七

帖瞻堂刊

世態從來有萬殊廿年舊事付長吁
櫪邊老驥空千里井底鳴蛙自一隅
重錦誰憐貧女織太倉坐飽大官租
撫時我亦無聊甚浪說煙雲筆下驅

偕諸君浩園登高限韻賦詩二首

秋陽炙杲杲蒸液流汗汗鬱積狂飈發
倏忽飛雲覆萸觴歡儔侶雄辯翻波瀾
歡娛夜繼日脱略衣與冠龍山想落帽
騷壇疇執轡崇情鬪競病接括窮雕剗

高閣俯清池上連雲氣覆登臨望湘江
晚風生狂瀾勝踐屬佳節清游謝峩冠
緬懷湘鄉公聲名沛國獻殊勳

盪羣醜賚志擒可汗昔歲今如何補創肉誰剋

臘八日絜園小集次袁子文韻

彈指流光又一年乘時久讓後來先獨餘老健耽幽興
數共壺觴集眾賢庭桂謝花猶賸馥盆梅含蕊欲抽妍
夏辰好敘聯吟樂不用蹉跎嘆逝川

臘八家家豆粥香張筵高館啟深堂烘窗日暖地無凍
入座風清月有光松柏青蒼林下老楸枰黑白局中忙
是日與熊鶴村對奕一局直須常舉消寒會願肉如衡酒似湘

悠悠世事渺津涯且辦歡游送歲華雅量澄爲千頃浪
雲臥山莊詩集卷八

大 帖瞻堂刊

餘情散作半天霞酒斟醪醖傾蕉葉盤膾肥鮮芡筍芽
盛會陶然宜盡醉題詩莫笑字欹斜

予文疊韻見贈並推獎藩兒甚媿其意亦疊韻奉
荅

蝨身宦海誤英年漫許驂躡路先王氏鴛雞隨所愛
劉家豚犬詎云賢美人別有風塵賞拙婦難爲時世妍
老友詩來勞獎藉豈知學海未能川

傳家累葉守芸香愧以資郎說肯堂薄有詩書醫鄙俗
敢期琴鶴藉輝光隨人亦策駑駘駕老我仍爲鹽米忙

歲暮天寒憐遠道料應歸夢到湖湘
浪跡頻年江海涯怕聞騷客咏苔華
消磨旅況驚飛電迢遞歸程對落霞
問舍未遑開菊徑循陔差喜見蘭芽
素心詩酒堪晨夕共看天邊鴈字斜

冬曉偶成次朱香蓀韻

一白浩無際江山如此寬朔風吹夜雪
遠水漲微瀾地僻門開晚泥深客到
難擁爐吾自適比戶有飢寒重衾戀
餘煖眩眼忽生光地脈滋三尺天心
醞一陽邊關烽火遠邃室酒杯長頗
識田間樂花飛祝歲穰

雲臥山莊詩集

卷八

九

帖瞻堂刊

大雪次曹潤生韻

風急雲飛欲換年忽驚曙色照窗鮮
圍成柳絮先春舞畱得梅花破凍妍
盡放光明生白地了無塵滓浣青天
城中正有消寒集對雪聯吟定幾篇

漫空作勢故飛飛歲晚乘時一逞威
野外已無盤馬路江邊更沒釣魚磯
落餘遠水新添漲瘦盡羣山乍變肥
憶否鐵衣寒夜著狐裘貂帳覺都非

展外家先塋有感

外曾大父張晴峯先生
葬長沙河西腰塘衝

遺碣荒涼沒草萊紙錢麥飯更誰來

外大父兄弟四人
伯仲季皆無後僅

大父有四孫其三早死

其一流蕩屢尋未獲

當時伏鄭傳經學仍世朱陳託

好媒

晴峯先生主吾邑仰高書院講席外大父隨侍曾大父見而器之以祖姑歸焉先光祿公壻於張續

也

舊姻舊德詩書嗟失墜外家梨棗動悽哀渭陽回首傷

心甚寥落高坊土一坏

題船齋

早游湖海動公卿晚臥滄江仗友生莫笑窮途無立壁
猶能騷國作長城元章書畫千金重少伯妻孥一舸輕
若較船齋應竝美未須庸福易詩名

己卯九日奉陪諸君訪賈太傅故宅登天心閣因

雲臥山莊詩集

卷八

三

帖瞻堂刊

預尊行社越月復會飲定玉臺張笠臣有詩次韻

二首

萍蹤偶然聚嚶鳴求其羣秋風颯微涼清游指城闈崇
蘭梢獨芳幽香靜可煮騷情擘宿莽欲起遷客魂升高
望平野瀕洞多埃塵百憂耿寸抱爲歡及茲辰漢臺復
臨眺滔滔俯湘瀆引觴且息機蘊德故有鄰良會徵無
悶敬謝當塗人

喧闐一鬩市奔湊羣流競狂瀾孰與回豈不在經正艱
難緬疇昔湘水平如鏡順則同知愚坦途無陷窞悠悠

去日遼擾擾後來勝深談掩眾耳但取知者聽時會亦有涯終當返醅悶相將念桑梓勉旃各恭敬

次韻贈陳文學

詩律陳無已高情管幼安萬言見揮灑九死未摧殘湖海卅年客琴書一室歡身閒吟榻靜心遠酒杯寬倒屣難逢蔡聞歌每悵桓羈愁驅不盡游興晚將闌故國驚秋水先疇沒釣竿未成理歸棹依舊整行冠皋廡憐生計奚囊足大觀求人堪短氣感事獨披肝鹽米疲朝夕妻孥怨暑寒門稀今雨到座賸古編攤世或長貧笑名雲臥山莊詩集

卷八

主 帖瞻堂刊

羞枉道干忘機行帶索清坐藝沈檀論待陳思定文宜子布看知予情有會對爾思無端老驥虛芻豆飢鷹鍛羽翰傳箋三嘆息吾欲起蘇韓

立秋有感次韻酬陳船齋

老來歲月渾如電悟後文章若有神霜露滿天愁遠客風塵何地著斯人性情可許論膠漆肥瘠相看各越秦底用悲秋增旅思閉門便是葛天民

到處爲家無意必遵時養晦足平生那堪搖落新秋日忽聽淒涼夜雨聲莫漫聞歌悲子野直須賣卜學君平

衰頹尚有豪情在萬卷猶將抵百城

重過馬坵鋪有感兼懷羅研生舍人

兩度經過地重來百感深兵塵啟豪傑往蹟幾消沈繚繞山川在蕭條草樹森浪游經歲晚霜雪鬢毛侵

豐鑠榘根交年來獨汝思乖違憶談笑老病恐支離創

論家稱臆

研生說經多出新解曾文正嘗呼爲臆說家

羣經說解頤鄭公鄉

咫尺悵望但神馳

次韻荅陳船齋

老驥服鹽車蹇拙羞駑馬矯首發長嘶聲震櫬上瓦秋

雲臥山莊詩集

卷八

三

岵瞻堂刊

風凋百草霜露滿原野自惜千里姿敢怨知者寡先生
鞭古心抗志在騷雅耆年耽吟咏風流希洛社可憐好
身手跼踏窮簷下惟餘數卷詩藏袖僅盈把賤不一錢
值貴或百城假落落定誰知栖栖胡爲者閉門且覓句
萬象入鎔冶

旅店

主僕一牀接雞豚四壁喧柴門低近水茅店不成村麤
糲腐儒憤周旋野老敦深宵聞犬吠故故警羈魂

湘鄉縣

卅五年來事變遷

子自丙午過此今三十五年矣

東台山色尚依然故

人多渺重泉路

湘鄉自軍興以來積功至通顯膺爵謚者蓋數十百人今存者無幾矣

舊

蹟猶傳半壁天萬里波濤滄海沸九霄寥沈暮雲連鶴
鷗噪晚蟲啼曙可柰繁聲攪夜眠

過劉忠壯故宅

將軍許國先忘家新婚一別長天涯廓清皖豫向關隴
所至刈賊如刈麻金積堡前鼙鼓咽將軍瞋目目皆裂
樓蘭不斬恥偷生頡利未擒拚濺血丈夫意氣要瑰奇
從來南入是男兒塞雲黯淡將星隕如聞宗澤大呼時

雲臥山莊詩集

卷八

三

帖瞻堂刊

士卒悲君氣轉雄萬人一命爭前鋒直衝虎穴縛虎子
將軍身死名不死餘威猶足懾天驕繼起超宗擅鳳毛
千里龍駒騰汗血盡收西域歸皇朝將軍忠烈冠今古
遺廟堂堂峙鄉土我生雖未識將軍稱許曾聞王壯武
竭來西指邵州城經過故宅感平生邊烽警急英雄去
落日秋原無限情

黑田鋪古榭用陳簡齋曉發榭木韻

老樹挺無葉森然氣轉清興亡幾浩劫熙攘閱羣行好
古懷前輩憂時忽此生簡齋如可作血淚欲同傾

雙清亭

一水扼資邵三亭相接連雲煙六嶺合城闕五門懸遺蹟畱前代高清向晚天登臨清興發百感落吟邊

愛蓮池謁周元公祠

儒宗接洙泗間氣毓湖湘一卷通書在千秋道脈長池蓮香寂寞堤柳捲飄揚風月吾安仰低徊舊講堂

蔗園看菊畱贈謝筠士廣文

出郭逶迤得小園未荒三徑菊松存主人瀟灑陶彭澤佳客淹畱龐士元籬落秋風昌晚節萍蹤舊雨接歡言

雲臥山莊詩集

卷八

五

姑瞻堂刊

十餘年前曾與筠士相晤長沙

相逢莫問滄桑事領取幽香二百盆

廿年無改舊精神花事平章作散人階下芝蘭齊茁秀庭前草木自生春清閒合是神仙福富貴何加野逸身我亦園亭方小築空慙一劍又風塵

姚庶侯廣文招飲卽席賦贈

舊約經年爽勞君問訊頻摧頹怯行役邂逅話前因杯酒殷勤意篝鐙笑語親華筵羅饌誰道廣文貧

卅年文字好落落曉來星顧我亦衰憊嗟君尚典型璠璣驚照座蘭芷各升庭欲識先生教傳家有一經

至新甯江氏翕園哭芾甥兼示季女

十年親舊此登堂往事回頭黯獨傷無復照人看玉潤
空聞嬌女泣蘭房常時期望甯知此作意摧殘那可當
誰遣斯才阮斯命欲攀忠烈叩蒼蒼

遺孤頭角漸崢嶸聽說兒嬉近老成莫以孩童忘教訓
要知門戶待支撐百年萬事誰能料一髮千鈞重所生
兩世英靈宜相此撫棺那禁淚縱橫

辛巳三月三日頤園修禊

朔風闕陽氣杪春有餘寒祓禊及良辰歡侶延清歡小

雲臥山莊詩集

卷八

三

帖瞻堂刊

園城西隅逼仄歎美觀稍因地勢曲漸轉石磴寬循牆
繚行廊梯空翼扶闌層樓豁遐睎百感來無端漠漠長
沙城山川四周環當時鼓鼙聲震蕩摧心肝巍然數英
傑重措宇宙安富庶今有加喪亂昔所嘆悠悠卅年事
盛衰如轉圜仰睇蒼穹高頽雲冪重巒下瞰湘江流急
雨鳴驚湍春色黯不舒紅紫亦已殘撫景眷嘉會崇情
起盤桓遼哉蘭亭集興懷俯仰間絜園與皋園陳迹何
由攀

壬申展禊絜園丙子修禊
杭州皋園皆有圖畫題詠

飛絮逐飄風所遇卽成

團煙雲自多變塵沙誰與搏及茲耆英聚永念合竝難

天運固有常人力曷云殫吾儕守嬾拙庶幾桑者閑願
言發高詠抗手張騷壇

題南嶽圖

記曾秋晚登衡嶽回首流光十七年蒼翠晴嵐如昔日
模糊雲影隔遙天橋通馬蹟畱遺廟石插龍湫吼瀑泉
爲展畫圖懷往事此心已在祝融巔

張笠臣爲彭雪琴繪江南別意圖奉題三首

嶽嶽衡陽老馳驅歲不閒勳名動江介威略讐瀛寰舊
雨長沙酒征帆湘水灣殷勤故人誼應爲豁離顏

雲臥山莊詩集

卷八

三 帖瞻堂刊

詩酒周旋地湖山別思多

丙子丁丑間予客浙江雪琴適來西湖相聚半年唱酬甚

樂子送別詩有詩酒周旋二百朝之句

故鄉仍小聚歧路忽高歌明月扁

舟夜春風遠浦波嗟予一城隔悵望意如何

好事絜園交吟情入畫圖形容存髣髴談笑破拘迂一

聚堪千古羣流有異趨鬢眉畱取證凜凜激頑夫

辛巳九月十日笠臣補作重九伯兄與香蓀先日

各有詩次韻二首

重陽風雨掩柴扉獨上層樓暫息機遠樹煙籠高閣迴
隔江人掉酒船歸秋生鬢髮驚衰晚夢墮塵埃有是非

惆悵端居負佳節年來百事與心違

張侯磊落補天手呼嘯朋儕展夙歡海外風光供借箸
醉中笑語一凭闌黃花似與良時約銀燭初回薄暮寒
各有吟情酬勝集陽春誰道賞音難

初十日之集香蓀復用杜韻爲詩奉同一首

中西三品酒杯寬

主人用紹酒汾酒洋酒三種

十日來尋九日歡登

陟未攜安石屐欹斜頗訝季常冠鴈鴻天末度秋信風
雨江城生早寒獨有青蓮才捷敏當筵得句便傳看

座中

惟李香緣太守
卽席成詩二律

雲臥山莊詩集

卷八

三

帖瞻堂刊

戲集禊序字壽胡貳尹六十

當日誕生同癸未長年快樂若天人引觴盡興大和會
列坐清言契古春盛集可能期信信老懷相遇合欣欣
異時或述今時事世有遷流迹未陳

品蘭詠竹能娛目臨水觀山亦可人興至萬觴情未盡
懷哉一室坐生春放言日永初無倦靜契天游固足欣
自此大年長不老歲時和樂管弦陳

雲臥山莊詩集卷第八終

男慶

藩

孫本

堦

恭校字

誥授通議大夫

晉封榮祿大夫三品頂戴

特旨賞戴花翎四品京堂內閣中書先府君郭公行述

曾祖諱熊貢生 祖諱世遵廩生 本生祖諱詮世

優增生 父諱家彪議敘八品皆 封光祿大夫

兵部左侍郎行誼均詳邑乘

曾祖妣氏羅 祖妣氏張 旌表節孝 本生祖妣

氏張 妣氏張皆 封一品太夫人

先大夫姓郭氏諱崑壽原諱先梓字仲毅號意城別號

雲臥山莊詩集

卷末 行述

一 帖瞻堂刊

逸交晚更號樗寮先世自江西吉安徙廣東南雄轉徙

湘陰凡八世至 先大夫 先大母孕 先大夫十三

月而始生幼敏異舉止端重七歲能屬文時長沙彭棣

樓先生掌教仰高書院常就家塾視 先大夫驚異之

是時 先大夫名梓棣樓先生因以梗柎杞梓命對

先大夫應聲曰騏驥驂騑先生指謂曰此真千里駒也

十二歲受知學使晉江龔公與 伯父侍郎公同補弟

子員是歲 伯父縣試冠其曹龔公以 先大夫年齒

幼疑爲 伯父捉刀投卷時戲之曰得毋阿兄所爲乎

因更試他題卽公案起草援筆立就龔公偉之十九歲
應試來長沙始識湘鄉羅忠節公劉霞仙中丞時兩先
生方究心宋儒之學言行無所苟 先大夫一見傾服
兩先生亦謂此吾畏友也乃深相結契兩先生同肄業
城南講舍 先大夫居城中每晡時必一謁城南相與
講論得失或值夜分歸羅公令其門人王壯武公諸人
秉燭相送時天下承平久金吾不禁城夜半方扃也自
與兩先生交熟讀儒先性理之書參互攷證嚴憚切磋
卒以成德年二十舉於鄉抵京師與 伯父同主湘鄉
雲臥山莊詩集

卷末 行述

二

帖瞻堂刊

曾文正公是歲外舅馮樹堂先生假館曾宅授今總憲
劄剛星使讀新甯江忠烈公亦待銓京師 先大夫往
來密交誼稱篤遂約爲婚姻 伯父通籍後 先大夫
母相繼謝世 先大夫自是絕意進取歲壬子粵西金
田賊起長驅直下所過郡縣多遭蹂躪吾湘道州安仁
等城相繼淪陷遂圍長沙 先大夫與 伯父及今大
學士恪靖侯左公前護閩撫周公開錫方避亂邑之東
山與鄉之父老立條教謀儲積以期守望相助奸民無
由潛蹤東山人至今賴之銅山張公奉 命撫湘梯

城入守張公耳左公名久至則走幣延左公幕府數月
後又禮聘先大夫左公專主軍政文檄函牘調發兵
食多出先大夫瀏陽徵義堂奸黨方藉團練爲名謀
不軌人心洶洶張公令江忠烈公嚴密搜捕忠烈公至
瀏審度情勢察閱險要上書言此寇不速剿終必爲大
患軍情宜密吾謀若洩爲害滋深忠烈凡五次陳書當
道一一還報使速舉邑令某故愚懦聞將興師甚恇怯
嚙指血飛書大府辨徵義堂之非賊大府頗爲所動左
公亦不欲贊詞先大夫曰徵義堂之爲悍賊偵探者

雲臥山莊詩集

卷末

行述

三

帖瞻堂刊

言之鑿鑿邑正紳與江某又數數詳審而縷述之夫人
知之矣夫何疑况屢書令戰復以無稽之言輕議罷兵
萬一江某陳師以出忽聞此言其進退失據猶小也奸
民因是益得逞害可勝言哉大府聽其言乃決一戰已
而忠烈公報至官軍進剿逼其巢賊先掩至撲營勢張
甚忠烈公迎擊之獲其渠魁數人傳檄解散脅從數日
而亂定搜獲僞印僞官照無算瀏陽自是始得救謐張
公權督兩湖復與左公從之值軍事亟徹夜羽檄旁午
紛紜張公常手印授左公及先大夫曰公等計議定

卽行勿更關白也粵逆李開方之分竄宋埠也偵知河南
南歷湖北境無一兵扼守縱騎南下夜半得報先大夫力
促左公起與計曰賊初至宜出不意急赴之賊不知有備
可一戰平也若令嚴師以待勝負之數未可知卽事殆矣
卽夜調發勁旅前騎馳至鵝公頸驟與賊遇縱擊之時天
甫明也賊不意官軍急至遂大亂陣斬李開方北竄之股
殲馬張公握手謝曰稍延片刻令賊得出鵝公頸湖北危
矣洎張公授山東巡撫先大夫與左公皆辭歸又爲駱文忠
公延致時

雲臥山莊詩集

卷末

行述

四

帖瞻堂刊

朝廷以帑竭令征商助軍倉始設釐金之局當事堅請
先大夫主之論者謂創數百年未有之局或恐別生
事端先大夫曰事無難易視辦事之人何如耳爲倣
劉晏引用士人之法務使商民之情無所壅遏是以數
十年來商賈安於市行旅安於塗立法爲天下最左公
奉命以一軍從曾文正公討賊湖南軍政先大夫專
任十餘年事無鉅細悉諮以行歷城毛公鴻賓陽湖暉
公世臨并倚如左右手當是時也湖南援兵四出東則
江皖閩浙南則兩粵西則黔蜀雲南而曾文正公東征

之師徵兵轉餉殆無虛日一資湖南爲根本十餘省安危利病日在心中時其緩急攘外安內走章馳檄先大夫力以自任無所諉謝金陵大功旣告成聞報喜甚曰逆酋巢穴旣除江鄂羣匪皆失所恃東南半壁廓清有期吾輩可釋重負矣然又念欠餉數百萬籌措艱難苦心儲積以應文正公凱撤之需諸務大定乃力辭戎幙歸迨景東劉韞齋師撫湘謀討貴州苗又敦聘焉而湘鄉劉霞仙中丞長沙黃南坡方伯兩先生各以大義相責勉先大夫不得已復強起入幕諸將之知名者

雲臥山莊詩集

卷末

行述

五

帖瞻堂刊

聞先大夫復出歡欣踴躍頌韞師之得人比苗平又力辭歸韞師寓書固畱先大夫復書云去就之際有義存焉義者事之宜心之所安也措之於事而人以爲不宜反之於心而吾有所不安皆義之所不居君子弗強就矣人之任事恃夫氣所以主持是氣者恃乎心心旣不安雖有邁往之氣無由自振况夫其氣固已先茶也韞師知其志不復強先大夫遂歸韞師尋亦去位居恆涵養冲和終身無急言遽色凡所措施一行之以仁恕是以無赫赫之名而人亦無有怨者用兵數省地

勢之夷險將帥之高下權衡審量必協其宜每得軍報
斷其得失始終無失銖黍帶兵將弁晉見求授方略者
踵接於門往來軍書日輒盈尺 先大夫據案口授機
宜手判文牘五官竝用頃刻立辦其所倚任雖無所知
名深籌熟計得其窾會竝收全功布政使兆公琛領兵
援黔老師費財韞師苦之 先大夫力舉按察使席公
寶田以代其後黔境肅清席公力也石達開糾集大股
謀窺四川龍山適當黔蜀之衝數被兵知縣走避典史
朱克敬踞城歿守 先大夫特賞之倚以拒賊龍山以
雲臥山莊詩集

卷末

行述

六

帖瞻堂刊

完凡民生國計內憂外患 先大夫先事籌維莫不順
理法蘭西教民謀於衡山湘潭設天主堂民人大闢教
民持之益力臚列條款要諸譯署譯署據以上聞
上命湖南巡撫察議覆奏 先大夫爲草疏辯駁并爲
書折之以理而示諭民人不宜挾意氣憤爭卒保無事
伯父侍郎公數更歷洋務深知其肯綮 先大夫亦

通知古今事宜謂漢唐以來情勢百變而通強弱遠近
一要之以理嘗曰吾兄之言證之三代詩書之旨莫能
外也 先大夫寬明仁厚與世無忤粹然以溫夷然以

和一若無甚異於人而遇事嚴毅有守無或敢于私諸將有願執贄列門牆與餽遺食物者皆峻拒不納親友寒苦無依者量能授事使得自存愛憎喜怒一準至公不以情之親疏爲祿之厚薄雖素所不歡但能稱職輒優容不與較其不知振作無能自食其力者先大夫嘗歎爲天窮仍以時調恤之生平出處審量情義無或苟爲進退涇縣翟公誥權撫湖南先大夫以疾辭翟公連遣道員三四輩就家強起之卒不應

不孝私請

其故曰翟公私好多與無保其終也甯慎其始其後佐雲臥山莊詩集

卷末

行述

七

帖瞻堂刊

毛公時引古義與切劘毛公每語人以先大夫爲有古人風也先大夫亦嘗謂湖南以一省支柱天下十餘年中實賴駱文忠公銅山張公陽湖惲公先後久於其任上下之情通官紳之氣洽保障提振之功不可忘也曾文正公倡義旅東征兵與餉爲後繼者悉恃先大夫辦治黃南坡先生爲設東征局同城官頗抵牾昌言沮撓黃公以爲患先大夫獨力贊之附各釐局徵收不特設一局積年供軍儲數百鉅萬文正公再出視師邀先大夫同行撫部以爲難先大夫請以三月

爲期而與文正公私約邀致今相國肅毅伯合肥李公
及從下東流駐軍祁門旋定截賊建昌之計遂移師建
昌李公至營 先君仍還佐湖南軍政文正公嘗歎息
言參軍事未有能及 先大夫者中間直督新甯劉公
及滇督湘鄉劉公粵督毛公閩督何公先後或交章奏
調或遣使走迎 先大夫皆辭不赴銅山張公每言吾
在山東在黔人皆以爲不如在楚在楚得左郭二人厥
後乃求一人不可得吾是以難耳湖南鄉試同考官例
祇九房咸同以來文教益盛士子應試者逾萬房官閱
雲臥山莊詩集

卷末

行述

八

帖瞻堂刊

卷不能徧及歲甲子 先大夫言於惲公請增設二房
議者多援例尼之 先大夫謂今中額已永廣十名則
增兩房適與例合矣卽具疏請得

旨報可然終以試卷多未能悉校辛巳歲 先大夫又
請巡撫李公援湖北例更增一房李公乞 先大夫屬
草 奏入亦得

旨允行於是湖南有十二房 先大夫贊成之力也貢
院謄錄所號舍湫隘污穢薰蒸易致疾疫每屆秋試成
以相繼 先大夫惻然亟商當道籌貲將號舍拓而廣

之與士子坐號一律是以近科謄錄無暴亾者謄寫試
卷書法完整亦勝於前 先大夫澹泊儉約安命樂天
不甚以功名富貴爲念少時貧不能具衣履敝服怡然
不改其素終身無憂戚之容館會二十年未嘗一事生
人產生平所履境無甚富饒亦無甚窘迫軍事籌畫有
功嘗自請邀免保舉所得職銜 先大夫身居幕府皆
不及知駱文忠公語 先大夫知君無意仕進不敢相
強曾文正公書來亦謂知君無意仕宦不欲違君意也
不孝 弱齡侍 先大夫居節署每見 先大夫待人接

雲臥山莊詩集

卷末

行述

九

帖瞻堂刊

物淵默簡重與人訥訥如不能言遇疑難事眾議蕪雜
莫得指歸 先大夫不爲張大之詞不作新奇之論默
然久之徐出一言動中竅要事亦立解或叩其故則條
分縷晰道其所以然聞者莫不心服晚年家居每歎言
湖南釐金捐輸皆所創始稍稍能覈實流弊視他處爲
少然卒不獲及身停止終以病民常用自咎 先大夫
性孝友 先大母故多病夏暑冬寒皆以爲苦 先大
夫夏則拂枕簟使涼冬則溫席使煖侍 先大母疾每
夕焚香籲天家人詢所祝祕不肯告兄弟同居推誠相

與克親克讓事 伯父尤謹道光戊申 先大夫客湘

潭縣幕 伯父亦主講昭潭書院適新城陳懿未廣專

兩先生遠道來會文酒談讌相得甚歡劉霞仙先生尋

至與諸公約為南嶽之游 先大夫已束裝矣 伯父

曰依人作計甯可曠職乎 先大夫聞命即止不行懿

未先生大驚歎為文美之以為兄能以是施之於弟弟

能以是順受於兄生平所罕觀也乙亥春 不孝 以一官

需次浙江迎養 二親 先大夫得徧歷大江南北兩

浙東西諸名勝足跡所至留題殆徧時 不孝 司權甯波

雲臥山莊詩集 卷末 行述 十 帖瞻堂刊

先大夫寓居杭州每念 不孝 體羸多病時掉扁舟相

視兼重游四明雪竇普陀諸山戊寅 先大夫游倦思

歸 不孝 乞假奉安輿抵湘即還差次逾年遭 先未志

城公之喪 先大夫書來道老懷怫鬱漸有衰微 不孝

聞命旁皇復乞歸養庚辰夏仍挈眷南歸 先大夫卜

宅長沙城之西北隅別構頤園小有邱壑春秋佳日召

耆舊雅集觴詠以為樂辛巳冬 不孝 奉出使日本大臣

黎公奏調充參贊官時以 母病未忍遽別又六月始

理裝就道行次滬上病幾殆 先大夫聞而憂甚馳書

合速還書云時事方棘正吾輩銷聲匿迹之秋林泉靜
息藏器待時父子倉貧一家相守自有真樂椎牛之祭
與極品之封皆非區區志願之所存也

不孝

奉書心與

魂飛刻日就道途次連得手諭猶報平安無恙豈意甫
抵里門而先大夫卽已見背邪病骨支離方幸生還

得以依依膝下稟承庭訓補讀未完之書詎料先大

夫手諭殷殷竟成遺訓耶先大夫任軍事廿餘年憂

患焦勞精力已瘁而自庚申以來先太祖西清公下

世後二十年間歿喪頻仍骨肉慘傷幾於無歲無之今

雲臥山莊詩集

卷末

行述

十一

帖瞻堂刊

年秋杪

不孝慶護

次子本墀以病殤冬初堂弟虎宣相

繼天折虎宣弱冠登賢書頗負才名先大夫期以遠

到曇花半萎先大夫尤傷之衰病之年以此益不自

任

不孝

兄弟侍奉無狀無能上慰

親心罹此奇禍

不

孝之臯尙何言哉先大夫生於道光癸未正月十九

日寅時卒於光緒壬午十月二十九日亥時享壽六十

葬於長沙大賢都檣植塘山頂乾趾巽卒之日無識與

不識咸錯愕感悼有泣下者善化黃杭蓀部郎潔之淹

雅能文士也聞先大夫卒挽以聯云進退不辱其身

胥偁以孝著述必衷諸道是謂之明一時耆宿皆以爲
知言 先大夫是歲主思賢講舍門人私謚曰孝明先
生 先大夫以優增生中式道光甲辰 恩科舉人丁
未考取宗室官學教習軍功晉國子監助教內閣中書
加五品卿銜累晉四品京堂三品頂戴
特旨賞戴花翎光緒乙亥恭逢

覃恩從

不孝慶藩

官

封榮祿大夫吾

母盛夫人同邑

封奉政大夫耘芳

公女生

不孝

兄弟三人長

不孝慶藩

邑優廩貢生以軍

雲臥山莊詩集

卷末

行述

三

帖瞻堂刊

功濟保花翎知府分發浙江歷保補用道加二品頂戴

次

不孝慶蓉

候選同知出爲從未開南公後次

不孝慶

發

縣學生兩淮候補鹽經歷加五品頂戴女六人長次

俱殤三適員外郎澈浦舒公燾之子雲南升用知府晉

甯州知州同治丁卯科舉人運昌四適

追贈總督原

任安徽巡撫世襲一等輕車都尉兼一雲騎尉新甯江

忠烈公之子

特賞主事廣東候補知府承襲一等輕

車都尉兼一雲騎尉同治癸酉科拔貢生孝棠五適布

政使銜江蘇蘇松太兵備道長沙黃公芳之子候選知

府爲焯六殤孫七人長本源不孝慶藩出三歲能作擘

窠書日識數百字四歲殤先大夫哭之哀爲誌其壙

并刻其遺墨次本堅不孝慶護出候選縣丞次本垚不

孝慶藩出候選兵馬司副指揮加五品銜次本常本彊

不孝慶藩出殤次本文本墀不孝慶護出殤孫女四人

長達貞殤次健貞潤貞聯貞均幼先大夫所箸雲臥

山莊詩集二十卷文存二卷尺牘八卷撫幕奏稟八卷

尙待刊行生平有所撰箸多不自珍惜偶爲詩古文詞

屬草後不復存錄故散佚頗多工四體書日有常課凡

雲臥山莊詩集卷末行述三帖瞻堂刊

踵門求書者未嘗稍有拒謝晚年猶能於鐙下作蠅頭

小書篆隸碑版之文所至幾徧不孝近有十二椽華書

屋明人墨蹟之刻皆先大夫所鑑定糾正者也不孝

兄弟鼻詈山積未嘗學問苦塊昏迷神智瞶亂於先

大夫高節懿行無能窺見崖略謹就平日習見習聞者

箸之於編伏冀

當代立言之君子賜以傳誌碑銘俾先大夫潛德幽

光不致泯沒無聞不孝世世子孫感且不朽光緒壬午

十二月不孝慶藩泣血謹述

賜進士出身

誥授中議大夫翰林院侍講學士加三級世愚姪瞿鴻
禕頓首拜填諱

雲臥山莊詩集

卷末
行述

十四

帖瞻堂刊



5411